

CH. XIII.

Oieri ni hawennake
Ne Rawennio tsi tionnhe,
Nok tsiatak nikawennake
Nene kentiohkwatokenti.

Sateseriwaieritsek ;
Tosa satennikonhriakt ;
Karonhiake katke sonha
Iotsennonniat iensatkatho.

CH. XIV.

Arens sonkwanikonhratas,
Sonkwanonks ne Rawennio ;
Tosa tewateraiatak,
Ok sa hetsitewatontats.

Iah nonwenton tiiaonton
N'aetewateweienton
N'iahtasonkwawire Niio
Ne raoianerenstakwa.

CH. XV.

O Iesos ! akwa kaskaneks
N'aonsakatatrewate,
Aonsaionkeronkwase,
Takitenr, tosa katiesat.

Sewennio, askitenre,
Tetswatet n'akenikonhra,
Tasrite n'akeriasa,
Tasnerensi n'akennasa.

CH. XVI.

Okaristiatokenti,
Konwennioosha tsi konnhe,
Konnoronkwa, konniahesen,
Konsennaiens nok konnentons.

Sase iahte konkens, Iesos,
Tsi nonwa nisataseton,
Senha ok eken kaskaneks
Ok sa n'askataweiaten.

CH. XVII.

Raonha n'ariwawakon
Roien tsi sakokentiokhas ;
Karon tsi rorihonte,
Kariwanoron sakowis.

Rotkon Roiatatokenti
Ne rawennio tsi tionnhe,
Raonha sakotiennire
Ne n'eniontat kentsiokhawee.

CH. XVIII.

Ratitsienstatsi okon
Ratiatanoron kowa
Rawennioke nonkwati,
Aietikonniestake.

Tiotkon ietiwenararakwak
Ronwawennenhawe Iesos ;
Akwa iontatkaronniations
Ne ronwatiwennonties.

